



CONCELLO DE MONFERO (A Coruña)

ACTA DA SESIÓN EXTRAORDINARIA CELEBRADA POLA XUNTA DE GOBERNO LOCAL DO CONCELLO DE MONFERO O DÍA TRECE DE OUTUBRO DE DOUS MIL VINTE E CINCO (35/2025)

Na Casa do Concello de Monfero, ás once horas e trinta e catro minutos do día trece de outubro de dous mil vinte e cinco, en primeira convocatoria, baixo a presidencia do Primeiro Tenente de Alcalde, D. Alberto Cortizas Rejo, en funcións de Alcalde por enfermidade do Sr. Alcalde, D. Andrés Feal Varela, reúnen-se os Sres. Concelleiros: D. José Grueiro Torrado e D. Ramón Grueiro Martínez, para o efecto de celebrar a sesión extraordinaria convocada para ese día ás once horas e trinta minutos.

Actúa como secretario o que o é da Corporación, D. Baldomero Beceiro Alonso.

Os asuntos da **orde do día** son os seguintes:

- 1.- Aprobación da acta da sesión do día 1 de outubro de 2025
- 2.- Expediente contrato menor
- 3.- Recoñecemento de trienios
- 4.- Aprobación dos padróns fiscais do SAF do mes de setembro de 2025
- 5.- Xustificación de subvencións nominativas
- 6.- Expediente de contratación da obra contida no proxecto nomeado, Acondicionamiento cuberta do patio colexio CPI virxe da Cela, reposición de peches perimetrais e pintado de prazas e acceso, incluída no POS+ 2025 (Tedec 2025/C003/000004). Adxudicación

1.- APROBACIÓN DA ACTA DA SESIÓN DO DÍA 1 DE OUTUBRO DE 2025

O Sr. Alcalde en funcións pregúntalles aos asistentes se teñen que facer algunha alegación á devandita acta, que, como está acordado, se publicou no Taboleiro de Anuncios Electrónico do Concello con anterioridade á convocatoria desta sesión, e non formulan ningunha. O Sr. Alcalde en funcións, ao non facerse ningunha alegación, proclama que a acta da sesión do día 1 de outubro de 2025 se considera aprobada sen ningunha obxección.

2.- EXPEDIENTE CONTRATO MENOR

O Sr. Secretario-interventor dá conta da documentación deste expediente e en concreto da memoria e da proposta de acordo da Alcaldía con respecto a este punto da orde do día que constan asinadas dixitalmente no expediente electrónico que se indica a continuación, e que se transcribe literalmente deseguido, corrixida por orde del:



CONCELLO DE MONFERO (A Coruña)

“PROPOSTA DE ACORDO QUE FORMULA A ALCALDÍA

- Xestión de Propostas –

2025/G006/000086

Asunto: Contrato Menor. SUBMINISTRO E INSTALACIÓN DE MARQUESIÑAS

EXPEDIENTE CONTRATO MENOR	
Núm. Expediente:	2025/C002/000027
Órgano de contratación:	Xunta de Goberno local
Tipo:	Subministracións
Obxecto:	SUBMINISTRACIÓN 2 MARQUESIÑAS (segundo memoria que consta no expediente)
Orzamento base licitación:	6.000,00
CPV:	44212321 Marquesiñas para paradas de autobús
Prazo execución	1 mes
Necesidade e xustificación do contrato: (art. 118.2 da Lei 9/2017)	O Concello ten a necesidade de contratar esta subministración para a realización e cumprimento dos seus fins institucionais e non conta cos medios materiais nin humanos propios adecuados ou suficientes, nin pode satisfacerse a dita necesidade con ningún outro contrato ou negocio xurídico previo en vigor
Fins institucionais que pretenden satisfacerse (competencia municipal):	... outros equipamentos da súa titularidade art. 25.d) da Lei 7/1985, reguladora das bases de réxime local.
Financiamento:	Municipal (fondos propios)

Para atender a necesidade a satisfacer sinalada, é preciso contratar o obxecto reflectido, que é o idóneo para cubrir a dita necesidade de forma clara, directa e proporcional, resultando entón que a actuación que se pretende contratar é a adecuada para o fin perseguido.

O obxecto do contrato non é susceptible da súa división en lotes porque as subministracións comprendidas nel non teñen substantividade propia nin constitúen unha unidade funcional por si mesmas de forma independente, e/ou son inseparables, de maneira que non é posible a súa execución de maneira separada ou a súa división tería como consecuencia a perda da economía e da eficiencia pola multitude de trámites engadidos que tería o expediente.

O Concello non conta con medios propios persoais nin materiais adecuados ou suficientes, nin pode satisfacerse a dita necesidade con ningún outro contrato ou negocio xurídico previo en vigor,

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

o que acredita axeitadamente a insuficiencia de medios para a realización do obxecto do contrato e a necesidade da contratación dunha empresa externa para a súa realización.

A contratación que se pretende realizar non altera o obxecto do contrato para evitar a aplicación das regras xerais de contratación. O obxecto do contrato trata de satisfacer unha necesidade puntual e non prevista e é único e non supón, por tanto, fraccionamento do obxecto do contrato (art. 118.3 da Lei 9/2017). O seu valor estimado é inferior aos 15.000,00 euros.

Así pois, considérase que a utilización do contrato menor como sistema para a adxudicación, é o máis axeitado pola súa simplicidade, axilidade, eficacia e economía de trámite e a reducida capacidade de xestión municipal.

Polo exposto, propóñolle a Xunta de Goberno Local a adopción do seguinte acordo:

PRIMEIRO.- Iniciar a contratación do expediente referenciado ao principio.

SEGUNDO.- Informar que o contrato ao que se refire este expediente é necesario conforme se explicou anteriormente e, polo tanto, que está xustificada de maneira motivada a necesidade da contratación.

TERCEIRO.- Informar que non se está alterando o obxecto do contrato para evitar a aplicación dos límites previstos no artigo 118.3 da Lei 9/2017, cos argumentos expostos anteriormente.

CUARTO.- De existir crédito orzamentario suficiente e axeitado para o efecto, procédase a súa retención polos servizos de contabilidade e solicítese oferta ás empresas que se relacionan deseguido, que considero capacitadas para a execución do obxecto do contrato, para que, no prazo de 3 días hábiles, presenten a súa oferta por medios electrónicos e conforme ao modelo que se achega como anexo, facéndolles saber que non se admiten variantes e que o único criterio de adxudicación será o prezo máis baixo.

XADINOR, SL
GERCA ACERO Y METAL SLU
MARQUESINAS LOPEZ SL

O Alcalde en funcións, Alberto Cortizas Rejo"

A Xunta de Goberno local, por delegación da Alcaldía, toma razón e, por unanimidade, acorda probar a proposta, quedando adoptados por unanimidade os acordos que se propoñen nela.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

3.- RECOÑECIMENTO DE TRIENIOS

O Sr. Secretario-Interventor da conta da solicitude da persoa interesada, do informe do Negociado de Emprego da AEDL do Concello, do informe de fiscalización da Intervención de conformidade e da proposta de acordo da Alcaldía con respecto a este punto da orde do día que se transcribe literalmente deseguido e que, como o resto da documentación, consta asinada dixitalmente no expediente electrónico da aplicación Tedec que se indica máis adiante neste acordo:

“PROPOSTA DE ACORDO QUE FORMULA A ALCALDÍA

Logo de ver a solicitude que consta no expediente da/o empregada/o pública/o que responde ás iniciais M.V.B.M., rexistrada de entrada neste Concello o día 6 de outubro de 2025, co número 202599900000487, e os informes, antecedentes e o resto da documentación complementaria que consta no expediente 2025/E005/000016.

Propóñolle a Xunta de Goberno Local a adopción do seguinte acordo:

Recoñecerlle o seu dereito ao sétimo trienio como funcionaria de carreira no posto de Auxiliar Administrativo 2 deste Concello, grupo C, subgrupo C2, con efectos desde o día 19 de xullo de 2025.

O Alcalde en funcións, Alberto Cortizas Rejo”

A Xunta de Goberno local, por delegación da Alcaldía, toma razón e, por unanimidade, acorda probar a proposta, quedando adoptados por unanimidade os acordos que se propoñen nela.

4.- APROBACIÓN DOS PADRÓNS FISCAIS DO SAF DO MES DE SETEMBRO DE 2025

O Sr. Secretario-Interventor da conta dos padróns fiscais aos que se refire este punto da orde do día, elaborados pola Intervención sobre a base dos informes previos da Sra. Traballadora Social, e da proposta de acordo da Alcaldía que se transcribe literalmente deseguido e que, como o resto da documentación referida, consta asinada dixitalmente no expediente electrónico da aplicación Tedec relacionado con este punto que se indica máis adiante:

“PROPOSTA DA ALCALDÍA

Logo de examinar os padróns fiscais do prezo público polo servizo de axuda no fogar que se indican a continuación, que constan asinados dixitalmente no correspondente expediente electrónico, elaborados polo Secretario-Interventor a partir dos correspondentes informes da Sra. Traballadora Social do Concello, que tamén constan asinados dixitalmente no correspondente expediente electrónico, e demais documentación relacionada con estes.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

Propóñolle a Xunta de Goberno Local a adopción dos seguintes acordos:

1.- Aprobamos os padróns fiscais de prezo público do Servizo de Axuda no Fogar do mes setembro de 2025, dependencia e libre concorrência, elaborados pola Secretaría-Intervención do Concello, cos importes, usuarios, e demais datos que constan neles e que se reflicten na táboa que aparece a continuación:

INICIAIS 1ª PERSOA USUARIA	INICIAIS ÚLTIMA PERSOA USUARIA	TOTAL PERSOAS USUARIAS	MODALIDADE SERVIZO	IMPORTE
BNMA	VGJA	37	DEPENDENCIA	2.969,62 €
ALFI	VDL	26	LIBRE CONCORRENCIA	630,46 €

2.- Expoñer ao público os devanditos padróns fiscais, mediante anuncios a publicar no B.O. da Provincia e no taboleiro de anuncios electrónicos municipal, por prazo de quince días hábiles, a contar desde o seguinte ao da publicación do correspondente anuncio no BOP, para que os interesados poidan examinalos no Concello e presentar as reclamacións que consideren convenientes. Con dito anuncio notifícanse colectivamente a todas as persoas contribuíntes incluídas neles, as liquidacións que conteñen, conforme autoriza o artigo 102.3 da Lei 58/2003, do 17 de decembro, xeral tributaria.

3.- O prazo de cobro, en período voluntario, será de dous meses, segundo o artigo 62.3 da Lei xeral tributaria, contados desde o día seguinte ao desta data de aprobación do padrón fiscal pola Xunta de Goberno Local, e, transcorrido este, procederase a esixir os xuros de mora e as recargas que procedan segundo os artigos 26 e 28 da nomeada Lei xeral tributaria e, se fora o caso, as costas derivadas do procedemento de prema.

Canto ao lugar de ingreso e modalidade de cobro, de acordo co previsto na Ordenanza fiscal municipal reguladora deste prezo público, será mediante domiciliación bancaria. Os recibos enviaranse para o seu cargo nas contas bancarias designadas polas persoas contribuíntes contribuíntes entre os días 10 e 12 de Novembro de 2025.

4.- Contra este acordo e as liquidacións aprobadas, os/as interesados/as poderán interpoñer preceptivamente recurso de reposición, perante a Xunta de Goberno Local, no prazo dun mes, contado desde o día seguinte ao de finalización do período de exposición pública dos correspondentes padróns, que se entenderá desestimado se non se resolvera de maneira expresa no prazo dun mes, e, contra o seu rexeitamento, recurso contencioso administrativo, perante o



CONCELLO DE MONFERO (A Coruña)

Xulgado do Contencioso-Administrativo, no prazo de dous meses desde a notificación da resolución do recuso de reposición, se é expresa, e no prazo de seis meses desde que se produza a desestimación presunta se non o fose.

O Alcalde en funcións, Alberto Cortizas Rejo”

A Xunta de Goberno local, por delegación da Alcaldía, toma razón e, por unanimidade, acorda aprobar a proposta, quedando adoptados os acordos que se propoñen nela.

5.- XUSTIFICACIÓN DE SUBVENCIÓNS NOMINATIVAS

5.1.- O Sr. Secretario-Interventor da conta do expediente tramitado, da documentación xustificativa achegada pola entidade beneficiaria, das comprobacións realizadas, da dilixencia da funcionaria que actúa como instrutora do procedemento, do informe de intervención limitada previa de requisitos básicos de conformidade e da proposta de acordo da Alcaldía con respecto a este punto que se transcribe literalmente deseguido e que consta asinada dixitalmente no correspondente expediente electrónico:

“PROPOSTA DE ACORDO QUE FORMULA A ALCALDÍA

Logo de ver a solicitude e documentación presentada pola persoa interesada que se indica deseguido, xustificativa da aplicación da correspondente subvención nominativa do orzamento vixente do ano 2025, para o financiamento dos gastos que tamén se indican deseguido, segundo o convenio asinado para o efecto e as bases de execución do dito orzamento, así como a dilixencia de comprobación e informe de intervención de conformidade que constan debidamente asinados dixitalmente no expediente electrónico, propóñolle a Xunta de Goberno Local a adopción do seguinte acordo:

Aprobar a xustificación presentada e que se proceda ao pagamento da subvención nominativa seguinte:

ENTIDADE	INICIAIS SOLICITANTE	OBXECTO	SUBVENCIÓN CONCEDIDA
COMISIÓN DE FESTAS DE VILACHÁ	JMCD	Festas de Nosa Señora da Asunción	1.600,00 €

Monfero, na data da sinatura dixital deste documento polo Alcalde en funcións

O Alcalde en funcións, Alberto Cortizas Rejo”



CONCELLO DE MONFERO (A Coruña)

A Xunta de Goberno local, por delegación, toma razón e, por unanimidade, acorda aprobar a proposta.

5.2.- O Sr. Secretario-Interventor da conta do expediente tramitado, da documentación xustificativa achegada pola entidade beneficiaria, das comprobacións realizadas, da dilixencia da funcionaria que actúa como instrutora do procedemento, do informe de intervención limitada previa de requisitos básicos de conformidade e da proposta de acordo da Alcaldía con respecto a este punto que se transcribe literalmente deseguido e que consta asinada dixitalmente no correspondente expediente electrónico:

“PROPOSTA DE ACORDO QUE FORMULA A ALCALDÍA

Logo de ver a solicitude e documentación presentada pola persoa interesada que se indica deseguido, xustificativa da aplicación da correspondente subvención nominativa do orzamento vixente do ano 2025, para o financiamento dos gastos que tamén se indican deseguido, segundo o convenio asinado para o efecto e as bases de execución do dito orzamento, así como a dilixencia de comprobación e informe de intervención de conformidade que constan debidamente asinados dixitalmente no expediente electrónico, propóñolle a Xunta de Goberno Local a adopción do seguinte acordo:

Aprobar a xustificación presentada e que se proceda ao pagamento da subvención nominativa seguinte:

ENTIDADE	INICIAIS SOLICITANTE	OBXECTO	SUBVENCIÓN CONCEDIDA
MOTOCUB REBORDELO	JJSC	Competición Supercross e Motocross ALC	1.500,00 €

Monfero, na data da sinatura dixital deste documento polo Alcalde en funcións

O Alcalde en funcións, Alberto Cortizas Rejo”

A Xunta de Goberno local, por delegación, toma razón e, por unanimidade, acorda aprobar a proposta.

6.- EXPEDIENTE DE CONTRATACIÓN DA OBRA CONTIDA NO PROXECTO NOMEADO, ACONDICIONAMIENTO CUBERTA DO PATIO COLEXIO CPI VIRXE DA CELA, REPOSICIÓN DE PECHES PERIMETRAIS E PINTADO DE PRAZAS E ACCESO, INCLUÍDA NO POS+ 2025 (TEDEC 2025/C003/000004). ADXUDICACIÓN

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

O Sr. Alcalde en funcións explica o contido do proxecto de obras que se vai contratar, informa sobre as dúas empresas presentadas á licitación, con indicación de que non houbo baixas desproporcionadas ou anormais, e sobre a que se propón para a adxudicación de conformidade co acordado pola mesa de contratación.

A proposta de acordo da Alcaldía con respecto a este punto, que consta asinada dixitalmente no expediente electrónico do aplicativo Tedec que se indica máis adiante, transcríbese literalmente deseguido:

“PROPOSTA DE ACORDO QUE FORMULA A ALCALDÍA

- Xestión de Propostas –

2025/G006/000085

Asunto: ADXUDICACIÓN DE OBRAS POS+2025

Logo de ver o expediente de contratación **2025/C003/000004**, da obra contida no proxecto nomeado, **Acondicionamiento cuberta do patio Colegio Cpi Virxe da Cela, reposición de cierres perimetrales y pintado de plazas y acceso**, cun orzamento total de 80.862,13€, financiada pola Deputación Provincial, a través do **Plan POS+ 2025**, que o contratista que a Mesa de contratación permanente do Concello de Monfero considerou que era o que presentaba a oferta máis vantaxosa que podía ser cumprida e que foi requirido, tras efectuar positivamente as comprobacións do artigo 159.4. f) da Lei 9/2017, de 8 de novembro, de contratos do sector, en adiante LCSP, para que cumprira co establecido nas cláusulas 16.1.1 e 16.1.2 do Prego, xa lle deu cumprimento, constituíu a garantía e presentou as acreditacións necesarias segundo o informe do Arquitecto contratado para o efecto, D. Antonio López Rodríguez, e o informe de fiscalización favorable da Secretaría-Intervención.

Propóñolle á Xunta de goberno local a adopción dos seguintes acordos:

1. Declarar válidas e ratificar todas e cada unha das actuacións e dos acordos da Mesa de Contratación permanente do Concello de Monfero que aparecen reflectidos no expediente de contratación tramitado e, en concreto e sen ánimo exhaustivo, os referentes á admisión e rexeitamento das ofertas presentadas, de clasificación, por orde decrecente (Anexo), atendendo unicamente ao prezo, das que non foron declaradas desproporcionadas ou anormais conforme ao sinalado no artigo 149 da LCSP, e a proposta respecto destas.
2. **Adxudicarlle** o contrato da obra descrita no proxecto “Acondicionamiento cubierta do patio Colegio Cpi Virxe Da Cela, reposición de cierres perimetrales y pintado de plazas y acceso”, á empresa, **CALICANTO OBRAS Y PROYECTOS, S.L.**, no prezo total de **79.358,20€**, e de acordo



CONCELLO DE MONFERO (A Coruña)

co resto de características da súa oferta que constan no expediente, pola necesidade de dotar á zona das obras que se describen no devandito proxecto e considerar, en harmonía coa proposta da Mesa de contratación permanente do Concello de Monfero, coa mesma motivación, que a súa oferta é a máis vantaxosa que pode ser cumprida.

3. Aprobar o gasto correspondente, dispoñéndoo con cargo á aplicación orzamentaria 2025.0.933.2530.63900 .
4. Nomear Coordinador de Seguridade e Saúde e Director Técnico das Obras a D. Antonio López Rodríguez, Arquitecto.
5. Notificar este acordo a D. Antonio López Rodríguez, ao adxudicatario e ao resto dos licitadores.
6. Publicar esta adxudicación no perfil do contratante desta entidade, aloxado na plataforma de Contratos do Sector Público (PCSP).
7. Requirir á empresa adxudicataria para a formalización do contrato, dentro do prazo máximo 15 hábiles, a contar desde o seguinte a aquel no que se reciba a notificación da presente adxudicación.
8. Unha vez formalizado o contrato, publicar tal feito no perfil do contratante do órgano de contratación (PCSP).
9. Logo de asinar o contrato, o contratista deberá presentar o Plan de Seguridade e Saúde da obra, axustado ao Estudio Básico de Seguridade e Saúde do proxecto, para a súa aprobación pola Alcaldía, tras o informe do Coordinador de Seguridade e Saúde. Con anterioridade ao comezo das obras o contratista presentará na Consellería de Traballo e Benestar, a apertura do centro de traballo e comunicarao ao Concello, e, unha vez efectuado este trámite, procederá a comprobación do reformulo e comezo das obras.
10. As obras someteranse a un control de calidade externo, que levará a cabo unha empresa especializada neste tipo de controis, que contratará o concello, segundo o previsto na cláusula 29 do PCAP.

Anexo

Nº Orde	Empresa licitadora	Importe (sen IVE)	puntuación
---------	--------------------	----------------------	------------



CONCELLO DE MONFERO (A Coruña)

1	CALICANTO OBRAS Y PROYECTOS, S.L.	65585,29	8,68
2	GROMA OBRAS, S.L.	66086,40	5,18

O Alcalde en funcións, Alberto Cortizas Rejo”

A Xunta de Goberno local, por delegación da Alcaldía, toma razón e, por unanimidade, acorda probar a proposta, quedando adoptados por unanimidade os acordos que se propoñen nela.

E sen máis asuntos que tratar, o Sr. Alcalde en funcións levantou a sesión, ás once horas e cincuenta minutos do día ao principio indicado, e eu, como Secretario, certífico.

O Alcalde en funcións

O Secretario